

我們的中山室惠存

光緒嘉應州志



卷八

廿四史

光緒嘉應州志卷八

梁居實初輯

溫仲和覆輯

禮俗

圖經云郡土曠民惰業農者鮮悉藉汀贛僑寓者耕焉故人不患無田而田每以工力不給廢郡俗信巫尙鬼捨醫卽神勸以

藥石伐病則慢不之信

輿地紀勝仲和案此王象之所引圖經當在南宋以前爲志州事之最古者

成化中刑部郎中洪鍾言廣東程鄉流移錯雜習鬪爭易亂宜

及平時令有司立鄉社學教之詩書禮讓

明史洪鍾傳

程鄉風俗善多而惡少

陳獻章學記

民俗質實尙勤儉重本薄末地狹民瘠尙氣輕生君子質木小人悍蔽俗稱謹愿婚姻以檳榔雞酒爲禮病惟鍼灸其民敦樸

力田終歲勞苦以食力酷信風水屢葬屢遷

大清一統志

仲和案今通行縉紳錄嘉應風俗標八字曰質實勤儉人物冠冕其質實勤儉四字本之一統志而人物冠冕自是屢經陶冶而後成較之明史洪鍾傳所言其人物固大異矣亦輯一統志時所未有也

土瘠民貧農知務本而合境所產穀不敷一歲之食藉資上山之永安長樂興甯上山穀船不至則價騰踴故民嘗艱食而勤樹藝其畚民尤作苦犂耑堪巖率婦子鋤闢種薑薯芋粟之類以充稻食

王志

仲和案此言土瘠民貧與一統志言地狹民瘠自是州之實事而王象之所引圖經言土曠民惰業農者鮮人不患無田云云與此正相反然由此攷知宋以前土著之少而汀贛僞

寓者曰多考長甯縣志云方言有二一客家音一水源音相傳建邑時人自福建來此者爲客家自江右來者爲水源永安縣志云有自江閩潮惠遷至者名曰客家蓋循梅接境多由江閩遷來至明成化時洪鍾尙言流移錯雜蓋客戶愈盛可知矣至於

本朝休養生息丁口蕃滋故在

國初之時已有人多田少之患况更二百餘年以至於今物力之不支民生之日困固其宜也

士大夫謹約自好以出入公庭爲恥溫飽之家益敦儉素輸賦奉公不事鞭撲士喜讀書多舌耕雖困窮至老不肯輟業近年應童子試者至萬有餘人前制府請改設州治疏稱文風極盛蓋其驗也

王志

仲和案王象之輿地紀勝載方漸知梅州嘗謂梅人無植產
特以爲生者讀書一事耳可見州士之喜讀書自宋已然然
當時實特以爲生今日則謀生愈艱所幸海禁已開倚南洋
爲外府而風俗亦遂漸侈靡非若昔日之質實勤儉矣

富家大族建祠立祀春秋分及冬至設享而墓祭尤盛宰牲列
俎祭畢聚飲塚旁八月初一謂之大清明或清明不祭必祭於
大清明此雖不盡合禮猶有敬祖睦族之義未可厚非也

王志

仲和案黃香鐵石窟一徵云俗重宗支凡大小姓莫不有祠
一村之中聚族而居必有家廟亦祠也州城復有大宗祠則
併一州數縣之族而合建者也宗祠或八月祭或祭于冬至
之日全謝山謂古者天子得祭始祖諸侯而下則否此三代
時所行之禮今世必不可行也程子朱子皆謂冬至應祭始

祖立春應祭先祖夫以古禮而言因祭始祖而兼及諸祖幾於干祿誠失之僭然今世祀先之禮本無定限況不出於此人且於其世系之遠而忘之尙何由導吾後人尊祖敬宗之義歟此論最是

又案家禮君子將營宮室先立祠堂於正寢之東湘陰郭筠仙侍郎嵩燾按訂曰案儀禮士冠禮於廟行之昏禮告於廟喪禮祖於廟古命士以上皆有廟冠昏燕饗無不於廟者家禮首列祠堂之制蓋凡禮之行總攝於廟君子所以正其家以嚴事宗廟爲始揭之篇首明家禮之所從出也禮制大夫三廟適士二廟官師之爲中士下士者一廟皆以世代爲準程子始規定四代之祭云自天子至於庶人五服皆至高祖服旣如是祭祀亦須如是雖或三廟二廟一廟或祭寢不害

祭及高祖唐書禮樂志品官四廟三廟二廟一廟皆以室爲別而考唐書王珪旣貴不營私廟至爲法司所劾其後會昌五年詔京師不許羣臣作私廟是唐時士大夫家廟皆別建之無建立居室之旁者人各爲祖家各爲廟是以始之不營廟者劾之其營廟者又從而禁之世變之流極亦可推考而知其故矣宋制私廟輒假敕書以行或賜祭器其所謂家廟實皆別於居室後世宗法旣廢士大夫崛起草茅致通顯一再傳而或泯焉官無世守田無永業故雖士大夫皆於寢堂奉先世神主從未聞有居室之東建立家廟者世家舊族創建祠堂輒醵金爲之以取同宗合族之義其祠堂所祀或始祖闔族之子孫屬焉或支祖分支以下之子孫屬焉所屬之子孫四世以上神主當祀者皆奉以入祠而各視其昭穆以

耐食於左右嘗疑宗祠之祀始祖者若古之太祖廟凡耐主之藏於夾室皆得列祀於龕通大夫士庶人無有毀主及埋主於墓之事此宗祠之制所爲通古廟制之變充類以盡其義者也一二守禮之家間有立宗子以主祀事者而固不以宗法繫之三代以上宗子之制不行於今義無可繫也竊以爲家禮祠堂之文當爲寢堂各奉四世之主爲四楨合祀於一龕左昭右穆高祖常爲昭曾祖常爲穆朝夕朔望及行告祭之禮大夫士之爲家長者主之兄弟異居長者奉祀神主其餘爲虛位以告於寢可也

家禮冬至祭始祖郭侍郎曰案禮宗廟皆四時祭冬至祭天以祖配之則以祖配天而祀之於郊所祭天也諸侯以下固有不得行矣程子初爲冬至祀始祖之說沿至於今士庶以

下皆得立宗祠以祀始祖而敬宗收族之義卽行於報本追遠之中自程子一言發其端而言禮者得有所據依以爲建立宗祠之本斯所謂仁之至義之盡也據王制四時之祭有祫有禘先祖之祭正不必別異今俗立始祖廟始祖以下皆得祔祭立先祖廟先祖以下皆得祔祭瓊山邱氏乃謂合族同居者當行立春一祭而冬至之祭可不行旣乖程子本意立春一祭於禮亦無徵也

家禮立春祭先祖郭侍郎曰案內則終事而後敢私祭是始祖先祖之祭宗子主之亦以四時祭禮有祧有祔禮經言之綦詳而無埋主之文疑自士庶人以上皆有祧主天子諸侯祧主於太廟之夾室大夫三廟當於皇考廟之後寢士一廟當於禰廟之後寢庶人祭寢略與士同始祖先祖之祭略與

大夫以上之祫祭同程子析爲冬至立春二祭以義制禮不必悉依於古然古之所謂始祖蓋有國有家者之始也故當奉之爲太祖而祫祭合食羣祖亦於太祖廟後世族姓源流多無可紀從其可紀者以爲始祖則始祖羣祖之祭同出於追遠之意而無可奉之以爲太祖者故嘗疑近世宗祠之制若古祧廟其祭若古祫祭而祀其所出之祖則其下之子姓咸屬焉猶古宗法之遺也歲以冬至氣始合而祀之不必別爲先祖之祭其四代之祭以時薦新各於其寢有事則告推求家禮之意以上合古禮下不遠於今之制殆無以易此近城祭禮大祭在秋月時祭則有所謂祭冬至祭重九祭亦不一有公祭私祭執事有通贊亞贊正引左右引讀祝祝嘏辭祭品有豕羊時菓餅餌酒醴殽饌楮衣冠三獻儀節悉本

通禮惟稍從簡易其有用二跪六叩首者實不知僭耳

按通禮親

二世子郡王家祭行二跪六叩禮餘自貝勒貝子示室公以建品官士庶人家祭均行一跪三叩禮

王祭或貴

齒或貴爵主貴齒之說曰禮支子不祭今宗法縱廢奈何全

廢禮意當擇年輩之尊者王之長幼之分則然也主貴爵之

說曰古者無祿不祭庶人薦而已所謂禮不下庶人是也其

時卿大夫家非世官則世祿皆朝廷賜也而宗子主之故得

以其祿祭後世無世祿宗子或不在衣冠之列豈能備大夫

士之禮況主祭者祭之主即禮文所謂主人也主人行禮必

視其爵中庸士祭以三鼎大夫祭以五鼎庶人無田不祭朱

子釋謂祭用生者之祿是宗子而爲庶人將薦而不得祭矣

何主祭之有幸而支子之子孫有大夫焉則可祭五鼎有士

焉則可祭三鼎因其名分以行祭獻禮法俱合必執宗子之

說宗子而夷於氓隸也樵豎也拜伏俯興之不知焉足以統攝宗人哉今二說并行而從後說者居多祭日子姓有頂戴者咸集先祭土地後祭祖祭土地僅一贊一讀祝儀節三獻祭品亦從殺祭祖曰凡有勤勞功德於宗事者出位配享祭畢頒胙於配饗之子孫曰配饗肉胙於主祭禮生曰主祭禮生肉餘則否凡子孫入學得科第或領花紅領京費均於是日頒給時祭行三獻禮比大祭儀節稍簡祭品則從同而與祭子姓不必盡有衣頂者則當日釀錢置產以供祭祀非其列者不得與也

梁國璿採

祭墓春秋二祭人衆者祭期有定曰凡祭地新地不過社老

地不過清明

此爲春祭言也秋祭則否

碑額挂紙

石窟一徵云埽墓又謂之挂紙按錢牧齋詩柳

絲不斷西陵夢挂紙知君到秀州

曰墓頭紙其紙黃白各半疊以雞血禁碑

界碑土神碑亦然周墓之旁藉紙十二張閏月增一曰禁墳

紙土神或先祭合祭不等祭有通贊有讀祝祭品有豕羊時

菓餅餌酒醴穀饌湯飯楮衣冠相率行三獻禮禮畢頒胙凡

胙有等差曰禮生肉曰主祭肉曰敬老肉年六十以上者到墳頒年七十以上者不到

亦頒曰卹嫠肉曰科甲肉赴試者不到墳亦頒曰仕宦肉出仕者不到墳亦頒

曰織肉仕宦後裔有織到墳者按織頒曰房分肉按房戶而頒計丁給錢者曰丁

錢到墳始給又有所謂盆名錢盆名者無烝嘗子孫醵錢置產以

供祭祀遇祭曰按醵錢之名給錢雖不到墳亦給其意蓋謂

永永流傳也祭畢卽在墓次一飯而歸凡祭品從豐從潔無

敢慢者若子孫所飲食卽極菲薄亦退無後言且所延之二

三父老以之歲時照料者亦同此下箸可見至誠足以動人

此亦美俗之一端也

梁國璿採

鼓樂銅笛之外復有銅鼓製如銅鑼稍小銅質略厚邊闊然
銅鑼中凹如臍隱入銅鼓則中凸如乳墳起與伏波所遺俚
獠之製迥異

石窟一堂

案家禮有墓祭郭侍郎曰案古無墓祭然曾子言椎牛祭墓

孟子言東郭墦間之祭

仲和案周禮家人凡祭墓爲尸禮記曾子問曰宗子去在他國庶子無爵

而居者可以祭乎孔子曰祭哉請問其祭如之何孔子曰望墓而爲壇以時祭是墓祭古未嘗無或不甚通行耳

蓋自春秋戰國已相沿爲俗矣漢興因事祭墓遂爲盛典東

漢之初光武令功臣王常馮異吳漢等過家上冢知當時上

冢已成通俗假詔命以榮之唐開元時寒食上冢編入五禮

遂爲常式今制上墳常祭祭筵羊隻照定例減半而通禮載

拜埽以寒食霜降爲期其儀惟具酒饌蓋卽本之家禮以春

秋祭埽通羣祖之墓言之必依常祭供具其力亦有不及以

時行墳域祇封樹除翦荆棘具酒饌拜謁而已其鄉會試得
科第授官及封誥焚黃乃斟酌典禮行之使其誠足以上達
而禮足以取備所當參考以盡其義者也

俗稱祭田爲烝嘗田亦有謂祖宗血食者按血食二字甚古漢
書爲勝置守冢于碣至今血食史通云陳涉世家稱其子孫至
今血食顏注郊祀志云祭有牲牢故言血食則血食二字似俗
而實古

石竈一徵

仲和案烝嘗爲秋冬二祭之名曰烝嘗田者亦猶祭田云耳
烝嘗田無論巨姓大族卽私房小戶亦多有之其用至善偶見
新甯志載土俗民重建祠多置祭田歲收其入祭祀之外其用
有三朔日進子弟於祠以課文試童子者助以卷金列膠庠者
助以膏火及科歲用度捷秋榜赴禮闈者助以路費年登六十

者祭則頒以肉歲給以米有貧困殘疾者論其家口給穀無力
婚嫁喪葬者亦量給焉遇大荒則又計丁發粟可謂敦睦宗族
矣此風粵省大抵相同惟視其嘗田之多寡以行其意所以睦
婣任恤者於是乎寓而論者以潮州械鬪之風歸咎于祭田不
亦大可哂耶

同上

婚自幼小時卽定議送年庚于是有指日之禮有問名之禮將
娶有行聘之禮女嫁前一日髻謂之上頭男不親迎女有送嫁
或父母或兄弟伯叔送至壻家設宴而還

王志

近城婚禮納采之日媒氏先期豫告

自此逮于歸凡行一禮皆媒氏先期豫告不盡

書

由主婚人具全帖分拜女家內外尊且親者若疏遠則統
拜帖內署曰恭候盈門而已屆期女使執紅皮櫺外束紅線
內盛翠花二枝兩旁襯以石榴狀元紅柏樹葉又糕餌十包

賁詣女家上堂主婦出迎取榼置案告祖畢啓榼取翠花納

鸞庚俗名婚帖日年庚亦曰鸞庚由原使賁還婦人帖男子答拜盈門帖

擇族中輩行最高者答之問名日男家再具拜帖翠花加銀

釧一對定儀五十元代儀十元代者代禮物也又銅錢四百

分裏兩封署曰然燭儀以貺冰人及女兄弟仍納於紅皮榼

其石榴狀元紅柏樹葉女使賁詣主婦迎堂告祖如初備答

禮物充袍儀十元靴一對書經一部筆四枝墨二

條白扇二柄糖圓二个搓黃糖爲丸圓逕一寸燈心兩

束燈丁同音義取丁口繁衍響炭兩枚義取幹飲榜兩枝係植物於義未

用長命草二束每具襯以紅紙或束之或藉之視其物更取早稻

粟黃豆綠豆長角豆五種各少許貯以帖袋署曰五

代同堂母雞一隻紅帶束足曰祖婆雞俟告祖畢啓榼取來